

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumatographia Naturalis

Jonston, Jan

Amstelodami, 1661

Caput XXXIII

urn:nbn:de:bsz:31-97032

nem, ubi attingere, cubitorum quinque attingunt mensuram, viginti & quinque conspicui ramis. *Albertus.* Mulgentur, & triginta milliaria uno emetiuntur die. *Olaus.* *Rhinoceros* Elephanto est par magnitudine animal, unico in nate cornu, hinc nomen. Hoc vero modice inflexum tantum acuminis, ut ferrum & saxa penetret. *Alian.* Pellis ei prædensa crustis compacta squammatim, colore & figura testitudinis dixeris testam, tam firma, ut ægre cedat jaculo. Hostis est Elephanti. His contra pugnaturus saxis cornu acuit, mox cuspidato Elephanti crura toto rictu subiens, alvum, quæ mollior, petit, discerpitque eandem. Exemplum qui voluerit, *Camerarium* in *subcissu hori* consulat.

CAPUT XXXIII.

DE SERPENTIBUS VARIIS.

IN Provincia Carajam, Tartariæ regi subiecta, decena passuum in longitudine sunt serpentes, decem crassi palmos. Prioribus aliqui carent pedibus, unguis horum instructi loco. Oculos tam grandes habent, ut duorum panum quantitatem adæquent. Mire in medendo pollent. A rabido enim cane admosus, si vel unius denarii pondere inde biberit statim sanatur. Et mulier in partu laborans, si quantulumcunque inde gustaverit, mox partu exoneratur. *Paul. Venetus.* Americus Vesputius vidit apud Indos quosdam qui in cibum cedebant. Capreolorum illis erat magnitudo, longitudine sesquibrachium æquabant, pedes longi, fortibus armati unguis, discolor pellis, serpentis rostrum. A navibus ad extremam caudam seta quadam per tergum sic protendebatur, ut animalia veros serpentes autumaret. Similes Calecutum habet, aporum magnitudine, vastiori etiam aliquanto capite, pedum quatuor, veneno nullo, morsu noxio. *Ludov. Rom. in Navig.* His non dissimiles, in occidentalis Indiæ insula Hispaniola, Hivana vocant. Dorsum spinoso, capite cristato, aphoni, quatuor pedi-

pedibus, lacertarum cauda, dentibus acutissimis, cuniculis majores, in arboribus, terra, aquis, absque discrimine degentes, famis ad multos patientes dies, Anno 1543 in finibus Germaniæ prope Styriam, quadrupes, lacertorum instar, & alati apparere, mortu immedicabili. Anno vero 1551 circa diem divæ Margarethæ in Hungaria prope pagum Zischam, juxta Theisam fluvium, in multorum reperti corporibus, tria fere hominum enecavere millia. Emerferant quibusdam per os, sed se abdidere iterum. Fidem fere excudit, quod de iisdem locis dicitur. Inventos nimirum innumeris in strue manipulorum frumenti: quos cum exurere vellent rustici, prodidisse cæterorum maximum, & humana, ut abstinere, monuisse voce. Non secundum naturæ se genitos cursum, sed divinitus propter hominum immixtos peccata. Stupendum in quibusdam venenum. In agro Terrarienti non procul Dortona, cum Palaricus quidam Hispanicâ lancea serpentem interfecisset: morte cum equo deletus est. *Scalig. Exerc. 200.* Idem fere in agro Tridentino accidisse observavit *Mathiolus*. Cum enim rusticus quidam in vineis serpentis capiti hastam sat longam infixisset, magno statim correptus est tremore. Revocatus antidotis ad vitam, duobus post annis ferè corporis affligebatur stupore.

C A P U T XXXIV. DE SCIURO & SIMIVULPA.

Sciuris intestinum cæcum tantum est, magnitudini ventriculi respondens, inque sectione fecibus semper repertum turgidum, scribit *Vesalius*. Genitale ofscum habere dicuntur. Prævident tempestatem, obstratisque qua spiraturus est ventus cavernis, ex alia parte aperiant fores. *Albert.* Transitus aquam pastus gratia, corticem levissimum imponit eidem, huicque insidens, caudaque erecta velificans, flante vento subvehitur. *Auctor libri de natura rerum Simivulpa* ani-